

ДЕ ТУТ ГОДИ

Ккамипе моро даравно, поде васта, ав!
На аччило замани, на ачило викиба,
ппувяне манглипнаске лафи-гудло
гили - упрал дуй храмоме патриня
телал о чумериме чери девликано...
Авай!

Ккмипе! Ав!
Нали улям годиме, ккамне, обречиме
тай о ворбес сине, сар бар - храмоме запти?
Амаро ккер щампириме - сайдипе
анди цара черхеняли са, сайпнаске!
Тай палал о животос о себеплис рахати...
Рахакиесер орисиме! Авай!

Ти юма,
дуздиме лубни сузулдиме, хондинел
хургярди миля которенде биччалде космикане.
На араккел варенже череки илестар ппагердо
е англутне мухляке, животос пребияндо...

Дими, аро патрягеске шарало сюрмелингям-
амаро манглипе жи ко Дел!
Тай ппагергям састипнаске ашал о Са-Живиндипе Девлано!
Тай фроли рупвали анде боколяте, бахтаке
ушенди, ппаглям машкар ират ко дешудуй
Божикеске!? Телал о яга ттарде момеляке ккангеряни!?
Тутуциме яг ккамипнастар жи денилипнасте!
Ккамипнастар тутуциме флога!

Ккмипе моро даравно... Де тут годи, жан!
Вакъти си те жангалиовав жи туте!

Пурано си о ккамипе от сар о дуйняс дуйнядинел...
Нанай те дожарел и чур мо манглипе
молимнасар те перел кочиенде
ме молимнастар идилично...

Ка прелел амен ккамипе космикано!
Би ахалярдо... Би пенжардо... Тогава...
Ан амаре ангаля ка вакерас аменге
Амаре миляне, ккамале пицаке-фалшиво!
Тай амаре сюртюкяне пра, пра-животоске...
Тай палем амаре вастенца ка дас амен ангали!